

**DIO ČETVRTI- PRELAZNE I ZAVRŠNE ODREDBE****Član 13.**

(Donošenje programa)

Vlada će u roku od sedam dana od dana stupanja na snagu ovog zakona donijeti program kratkoročnih i srednjoročnih mjera od značaja za ublažavanje negativnih ekonomskih posljedica na privredu u Kantonu Sarajevo izazvanih coronavirusom (COVID-19).

**Član 14.**

(Usklađivanje programa)

Vlada će svoje programe iz oblasti ekonomije, zdravstva i socijalne zaštite uskladiti sa ciljevima ublažavanja negativnih ekonomskih posljedica u Kantonu, izazvanih nesrećom.

**Član 15.**

(Primjena)

Ukoliko su drugi zakoni ili podzakonski akti u suprotnosti sa ovim zakonom, primjenjivat će se ovaj zakon.

**Član 16.**

(Uspostava Registra)

U cilju transparentnosti i uvida u prikupljena i raspoređena sredstva Vlada će uspostaviti Registar i objaviti ga na web stranici Vlade.

**Član 17.**

(Stupanje na snagu)

Ovaj zakon stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-11833/20  
07. maja 2020. godine  
Sarajevo

Predsjedavajući  
Skupštine Kantona Sarajevo  
Dr. **Mirza Ćelik**, s. r.

**VLADA KANTONA SARAJEVO**

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) na prijedlog ministra zdravstva Kantona Sarajevo, Vlada Kantona Sarajevo, na 13. sjednici održanoj 30.04.2020. godine, donijela je

**ODLUKU****O DAVANJU SAGLASNOSTI NA PRAVILNIK O IZMJENAMA PRAVILNIKA O UNUTRAŠNJOJ ORGANIZACIJI MINISTARSTVA ZDRAVSTVA KANTONA SARAJEVO****Član 1.**

Daje se saglasnost na Pravilnik o izmjenama Pravilnika o unutrašnjoj organizaciji Ministarstva zdravstva Kantona Sarajevo broj 10-02-11108/20 od 29.04.2020. godine.

**Član 2.**

Ova Odluka stupa na snagu danom donošenja i objavit će se u "Službenim novinama Kantona Sarajevo".

Broj 02-04-10994-18/20  
30. aprila 2020. godine  
Sarajevo

Premijer  
**Mario Nenadić**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 13. sjednici održanoj 30.04.2020. godine, donijela je

**ODLUKU****Član 1.**

Daje se saglasnost J.U. Kantona Sarajevo Zavod za zdravstvenu zaštitu studenata Univerzita u Sarajevu za prijem u radni odnos na neodređeno vrijeme sljedećih radnika:

- 1 (jednog) doktora medicine - specijaliste neuropsihijatra,
- 1 (jednog) doktora medicine - specijaliste medicine rada,
- 1 (jednog) doktora medicine,
- 1 (jedne) medicinske sestre - tehničara i
- 1 (jednog) radnika na poziciji tehničkog sekretara.

**Član 2.**

Za naprijed navedeni kadar ustanova ima obezbijedena finansijska sredstva.

**Član 3.**

Prioritet u zapošljavanju imaju lica utvrđena u članu 23. Zakona o dopunskim pravima boraca-branitelja BiH ("Službene novine Kantona Sarajevo", br. 45/12 i 26/14).

**Član 4.**

Prilikom prijema kadra u radni odnos javna zdravstvena ustanova iz član 1. ove Odluke dužna je poštovati zakonske i podzakonske propise koji regulišu oblast zapošljavanja.

**Član 5.**

Ova Odluka stupa na snagu danom donošenja i objavit će se u "Službenim novinama Kantona Sarajevo".

Broj 02-04-10994-6/20  
30. aprila 2020. godine  
Sarajevo

Premijer  
**Mario Nenadić**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a vezano za tačke VI i VII Odluke Vlade Kantona Sarajevo o dodjeli poticajnih grant sredstava na osnovu Javnog poziva za odabir korisnika grant sheme "Razvoj poduzetništva i podrška pokretanju novih startup kompanija na području Kantona Sarajevo" ("Službene novine Kantona Sarajevo", broj 1/20), Vlada Kantona Sarajevo na 13. sjednici održanoj 30.04.2020. godine, donijela je

**ODLUKU****O IZMJENAMA ODLUKE O DODJELI POTICAJNIH GRANT SREDSTAVA NA OSNOVU JAVNOG POZIVA ZA ODABIR KORISNIKA GRANT SCHEME "RAZVOJ PODUZETNIŠTVA I PODRŠKA POKRETANJU NOVIH STARTUP KOMPANIJA NA PODRUČJU KANTONA SARAJEVO"****I**

U tački VI stav 1. Odluke o dodjeli poticajnih grant sredstava na osnovu Javnog poziva za odabir korisnika grant sheme "Razvoj poduzetništva i podrška pokretanju novih startup kompanija na području Kantona Sarajevo" ("Službene novine Kantona Sarajevo", broj 1/20) (u daljnjem tekstu: Odluka o dodjeli poticajnih grant sredstava), riječi: "30.04.2020. godine" zamjenjuju se riječima: "30.06.2020. godine".

U tački VI stav 2. Odluke o dodjeli poticajnih grant sredstava, riječi: "30.04.2020. godine" zamjenjuju se riječima: "30.06.2020. godine".

**II**

U tački VII Odluke o dodjeli poticajnih grant sredstava, riječi: "30.04.2020. godine" zamjenjuju se riječima: "30.06.2020. godine".